

Headline	MyTKDL mekanisme baru perlindungan harta intelek Azizan		
MediaTitle	New Sabah Times Bahasa (KK)		
Date	18 Dec 2012	Color	Black/white
Section	Semasa	Circulation	23,655
Page No	9	Readership	
Language	Malay	ArticleSize	322 cm ²
Journalist	BALQIS JAMALUDIN	AdValue	RM 644
Frequency	Daily	PR Value	RM 1,932



MyTKDL mekanisme baru perlindungan harta intelek: Azizan

BALQIS JAMALUDIN

KOTA KINABALU: Malaysia Traditional Knowledge Digital Library (MyTKDL) memberi mekanisme baru terhadap perlindungan yang sewajarnya ke atas Pengetahuan Tradisi (TK) dan Sumber Genetik (GR) di Malaysia, kata Ketua Pengarah Harta Intelek Malaysia (MyIPO), Dato' Azizan Mohamad Sidin.

Katanya, setakat ini sebanyak 1,443 data tumbuhan telah berjaya dimuatnaik di dalam MyTKDL hasil daripada sumbangan agensi-agensi yang terlibat.

"Jumlah data berkenaan melibatkan sebanyak 1,090 data yang diberikan oleh LESTARI-Universiti Kebangsaan Malaysia, 77 data dari Jabatan Hal Ehwal Orang Asli (JHEOA), 50 data dari Institut Penyelidikan Perhutanan Malaysia (FRIM), 37 data dari Institut Penyelidikan Perubatan Malaysia (IMR) dan sebanyak 189 data dari negeri Sarawak," katanya ketika berucap di Majlis Menandatangani Memorandum Persefahaman

(MoU) MyTKDL antara MyIPO dan Pusat Biodiversiti Sabah (SaBC), di sini, kelmarin.

Majlis tersebut disaksikan oleh Timbalan Setiausaha Kerajaan Negeri Sabah, Datuk Joseph Guntavid dan Pengerusi MyIPO Dato' Abdul Manan Ismail.

Di samping itu, dengan adanya MoU antara MyIPO dan Kerajaan Negeri Sabah melalui SaBC ini data-data yang berkait rapat dengan Pengetahuan Tradisi (TK) dan Sumber Genetik (GR) akan dimasukkan ke dalam MyTKDL berlandaskan kod klasifikasi paten.

Katanya, Pegawai Pemeriksa Paten akan mendapat akses kepada maklumat yang akan memudahkan dan meningkatkan lagi kualiti dalam pemeriksaan dan pemberian paten biosains dan biodiversiti.

Dalam aspek memantapkan pangkalan data MyTKDL, MyIPO akan memasukkan data-data baru seperti Data Perubatan Tradisional Melayu daripada Perpustakaan Negara Malaysia dan Traditional Complementary Medicin (TCM) dan Kementerian Kesihatan Malaysia, katanya.

"Oleh itu, lebih banyak perjanjian persefahaman akan dijalin antara penyumbang data untuk memastikan

MyTKDL berperanan sebagai bankdata ke-bangsaan TK dan GR yang lengkap," katanya.

Sementara itu, menurut Pengarah SaBC, Dr. Abdul Fatah Amir, MoU ini amat penting kepada Sabah yang kaya dengan TK dan GR.

Katanya, sistem perlindungan ini akan merangkumi beberapa komponen berbentuk program atau aktiviti dan juga dalam bentuk peraturan yang diwartakan.

"Di antara komponen-komponen utama perlindungan itu ialah pewartaan Peraturan-Peraturan Biodiversiti Sabah (Akses dan Perkongsian Faedah) yang kini dalam proses pewartaannya," katanya.

Katanya, ia juga dapat meningkatkan penerapan kesedaran masyarakat tempatan terhadap kepentingan perlindungan TK yang berkaitan GR daripada penyelewengan penggunaan oleh sesetengah pihak.

Juga katanya, projek ini juga bertujuan menyerlahkan dan mendedahkan potensi sumber-sumber biologi Sabah bagi tujuan pengkomersilan.



PERJANJIAN Perjanjian termeterai antara MyIPO dan SaBC dalam mewujudkan MyTKDL. Dari kiri, Abdul Manan, Azizan, Abdul Fatah dan Guntavid .